

280 h

u. p

243

7-21

61

ՊԱԶՏՕՇ

Ի ՊԱՏԻՒ ՍՐՏԻՆ ՅԻՍՈՒՍԻ

ՅԱՌԱՋՆՈՒՄ

ՈՒՐՐԱԹՈՒ ԿԱՄ ԿԻՐԱԿԷԻ

ԱՄԵՆԱՅՆ ԱՄՍՈՅ

Լ Ի Տ Ա Ն Ի Ա

Տէր ողորմաց:

Քրիստոս ողորմաց:

Տէր ողորմաց:

Քրիստոս լուր մեզ:

Քրիստոս անսա մեզ:

Հայր երկնաւոր Աստուած, ողորմաց
մեզ:

Որդի Փրկիչ աշխարհի Աստուած, ու
զորմաց մեզ:

Հոգիդ սուրբ Աստուած, ողորմեաց մեզ,
Սուրբ Երրորդութիւն մի Աստուած,
ողորմեաց մեզ:


1. Սիրտ Յիսուսի, Որդւոյ Հօր
յաւիտենականին,
2. Սիրտ Յիսուսի, որ Հոգւոյն
սրբով կերպարանեցար յօր-
գանդի Կուսին Մարեմայ,
3. Սիրտ Յիսուսի, միաւ որեալ
էութեամբ ընդ Բանին Աս-
տուծոյ,
4. Սիրտ Յիսուսի, անհուն մեծ-
վայելչութեան,
5. Սիրտ Յիսուսի, սուրբ տաճար
Աստուծոյ,
6. Սիրտ Յիսուսի, տապանակ
Բարձրելոյն,
7. Սիրտ Յիսուսի, տուն Տեառն
եւ դուռն երկնից,
8. Սիրտ Յիսուսի, վառեալ հնոց
ընկերսիրութեան,
9. Սիրտ Յիսուսի, խորան ար-
դարութեան եւ սիրոյ,
10. Սիրտ Յիսուսի, լցեալ բարու-
թեամբ եւ սիրով,
11. Սիրտ Յիսուսի, խորք ամե-
նայն առաքինութեանց,
12. Սիրտ Յիսուսի, արժանի ամե-
նայն գովութեան,
13. Սիրտ Յիսուսի, թագաւոր եւ
կենդան զմեռելի սիրոյն,

Նոր
նորոգման

14. Սիրտ Յիսուսի, յորում ծած-
կեալ կան ամենայն գանձը-
իմաստութեան եւ գիտու-
թեան,
15. Սիրտ Յիսուսի, յորում բնա-
կեաց ամենայն լրումն Աս-
տուածութեանն,
16. Սիրտ Յիսուսի, ընդ որ հա-
ճեցաւ Հայր,
17. Սիրտ Յիսուսի, յորոյ ի լրու-
թենէն ընկալաք մեզ ամենեքին,
18. Սիրտ Յիսուսի, ցանկալին
բլրոցն յաւիտենականաց,
19. Սիրտ Յիսուսի, համբերող եւ
բազումողորմ,
20. Սիրտ Յիսուսի, առատաձեռն
առ ամենեւին որ կարդան առ-
քեզ,
21. Սիրտ Յիսուսի, աղբիւր կե-
նաց եւ սրբութեան,
22. Սիրտ Յիսուսի, քառութիւն
վան մեղաց մերոց,
23. Սիրտ Յիսուսի, զեղեալ նա-
խատանօք,
24. Սիրտ Յիսուսի, բեկեալ վասն
մերոց անօրէնութեանց,
25. Սիրտ Յիսուսի, հնազանդ
մինչեւ ի մահ,
26. Սիրտ Յիսուսի, խոցեալ տի-
կաւ,
27. Սիրտ Յիսուսի, աղբիւր ամե-
նայն միութարութեան,

Նոր
նորոգման

200
24868-67



137

28. Սիրտ Յիսուսի, կեանք եւ յա-
րութիւն մեր,
29. Սիրտ Յիսուսի, խաղաղու-
թիւն եւ հաշտութիւն մեր,
30. Սիրտ Յիսուսի, զոչ մեղաւո-
րաց,
31. Սիրտ Յիսուսի, փրկութիւն
յուսացելոց ի քեզ,
32. Սիրտ Յիսուսի, յոյս ննջեցե-
լոց ի սէր քո,
33. Սիրտ Յիսուսի, քաղցրու-
թիւն ամենայն սրբոց,

Երբ նորոգման

Գառն Աստուծոյ, որ բառնաս զմեզ
աշխարհի, խնայեա ի մեզ Տէր:

Գառն Աստուծոյ, որ բառնաս զմեզ
աշխարհի, անսա մեզ Տէր:

Գառն Աստուծոյ, որ բառնաս զմեզ
աշխարհի, ողորմեաց մեզ:

Յիսուս հեղ եւ խոնարհ Սրտիւ,
Արա զսիրտ մեր ըստ քում Սրտի:

Ա Ղ Օ Թ Ք

Ամենակալ յաւիտենական Աստուած,
հայեաց ի Սիրտ Որդւոյ քոյ սիրելւոյ
եւ ի գովութիւնս եւ հատուցմունս
զորս մատուցանէ քեզ ի կողմանէ մե-
ղաւորաց, եւ որոց հայցենն զողորմու-
թիւն քո՝ հաճեաց շնորհել նոցա թու-
ղութիւն յանուն Որդւոյ քոյ Յիսուսի

Քրիստոսի, որ կենդանի է եւ թագա-
ւորէ ընդ քեզ եւ ընդ սրբոյ Հոգւոյն
Աստուած յամենայն յաւիտեանս. ամէն:

(Ս. Բահաւայութեան Լեւոն ԺԳ. Եւ Աղբիւն
1899, ընդհանր շնորհակցութեան 300 տարեկան, որոց
ժամանակ անցան զխնայելոյս եւ զլուսն. յարեմ
է Ժրէնցեայութեան ընդհանր. եւ հոգեւոր նշանակելոց:)

Ա Ղ Օ Թ Ք

Բաղմագութ Տէր մեր Յիսուս Քրիս-
տոս, որ նորանշան մարդասիրութեամբ
քով բացեր զանսպառ դանձա ա-
ստուածեղէն Սրտի քոյ առաջի սրբոյ
Եկեղեցւոյ, տուր մեզ աղաչեմք զի
սիրեցումք զքեզ յամենայն սրտէ, եւ
հատուցումք քեզ փոխարէնս ընդ ա-
մենայն արհամարհանաց, զորս կրեաց
եւ կրէ հանապազօր Սիրտ քո վշտա-
գին յազաշնորհ մարդկանէ: Որ կեն-
դանի ես եւ թագաւորես ընդ Հօր եւ
սրբոյ Հոգւոյն յաւիտեանս. ամէն:

Աղբիւն Ինքրեւ Ռեզիսիւն:

Ո՛վ աստուածեղէն Սիրտ Յիսուսի,
ահա կամք խոնարհեալք ի ծունկս ա-
ռաջի քո, եւ նուիրեմք քեզ զամե-
նայն երկրպագութիւնս, զգովութիւնս
եւ զփառաւորութիւնս անարատ Սր-
տին Մարեմայ Աստուածամօր, եւ ա-
մենայն հրեշտակաց եւ սրբոց երկնից
եւ Եկեղեցւոյ սրբոյ, Յանկամք ջերմ

եռանդմամբ, զի ամենայն արարածք
երկիր պագցեն մեծվայելութեան քում
եւ փառաւորեսցեն զքեզ ընդ բնաւ
յաւիտեանս: Սոյնպէս գոհանամք զքէն
վասն ամենայն երախտեաց բնութեան,
շնորհաց եւ փառաց, որք ի քէն յանըս-
պառ աղբերէդ բարեսց բխեն անպա-
կաս: Քաջցր Յիսուս, միաւորեալք ընդ
արարածս որք սիրեն զքեզ, աղաչեմք
զի շնորհեսցես թողութիւն ամենայն
անհաւատութեան, ապախտաւորու-
թեան, ցրտութեան, մեղկութեան եւ
անհամար թշնամանացն որ քեզ տը-
եալ լինին ի մարդկանէ, մանաւանդ
յամենասուրբ խորհրդեան: Ընկալ
մարդասիրութեամբ փոխանակ այնր
ամենայնի զմեր հաւատոս, զոյս եւ
զսէր, եւ լուր գթութեամբ աղա-
չանաց մերոց:

Ո՛վ աստուածեղէն Սերտ Յիսուսի,
ողորմեա՛ Եկեղեցւոյ քում սրբոյ, ա-
մենայն հոգեւոր եւ աշխարհական իշ-
խանութեանց եւ ամենայն հաւատա-
ցելոց քոց: — Աղաչեմք:

Լուր մեզ, Տէր:

Ո՛վ աստուածեղէն Սերտ Յիսուսի,
ողորմեա ամենայն ընկերաց Եղբայրու-
թեանս, որ նուիրեալս է ի փառաւո-
րել զքեզ: — Աղաչեմք:

Լուր մեզ, Տէր:

Ո՛վ աստուածեղէն Սերտ Յիսուսի,
քեզ յանձն առնեմք զամենայն դա-
ռանձինն իղձս եւ զհայցուածս մեր:

— Աղաչեմք:

Լուր մեզ, Տէր:

Ո՛վ աստուածեղէն Սերտ Յիսուսի,
ողորմեա ամենայն հաւատացեալ ննջե-
ցելոց, մանաւանդ այնոցիկ որ ի կեանս
յայսմիկ ընկերք էին Եղբայրութեանս:

— Աղաչեմք:

Լուր մեզ, Տէր:

Ա Ղ Օ Թ Ք

Ո՛վ աստուածեղէն Սերտ Յիսուսի,
դու մատուցեր զանձն քո չօրն եր-
կնաւորի պատարագ ի վերայ խաչի
փրկութիւն մարդկան, եւ զնոյն պա-
տարագ նորոգես զօրհանապաղ ի
նուագս անթիւս ի վերայ սեղանոց մե-
րոց. տուր զի նուէրս այս անսահման
սիրոյ լիցի ամենեցուն յօգուտ:

Պահեա, պաշտպանեա եւ ուղղեա
ղէշկեղեցի քո սուրբ եւ զՀովուապետ
սորա: Միաւորեա ընդ Հովուապետին
զՀովիւս, եւ ընդ Հովիւսն՝ զերիցունս,
եւ ընդ երիցունսն՝ զամենայն հաւա-
տացեալս, զի ամենեքին ի մի շինուած
կատարեալ լիցուք. հիմնեալք ի Գլուխն
անկեան ի Յիսուս Քրիստոս, եւ հաւ-
տատեալք ի վերայ հիման առաքելոց
եւ Վիմն Պետրոսի: Ի բաց արա յե-

կեղեցւոյ քուժէ զուսմենս ստուծեան,
ղշերձուած, զգայութագրութիւնս, զհա-
լածանս եւ զթուլութիւն ի ծառայու-
թեան քում:

Պահեա զպետս. զիշխանութիւնս եւ
զառաջնորդս, զի իմաստութեամբ քով
լուսաւորեալք ողջամիտ վարդապե-
տութեամբ առաջնորդեսցեն հնազան-
դելոց իւրեանց ի խաղաղութիւն, ի
միաբանութիւն, յարդարութիւն, ի
տէր, ի ժամանակեան յաջողութիւն եւ
ի յաւիտենական փրկութիւն:

Հնորհեա աւագաց զհնորհս քո, զի
ի սրբութեան զարգացուցեն զհպա-
տակս իւրեանց ի քո փառս եւ յան-
ձանցն իսկ ի փրկութիւն. եւ գործովք
առաքինութեանց արասցեն զնոսա յոր-
դիս Աստուծոյ եւ ի ժառանգս ար-
քայութեան երկնից:

Տուր եւ հպատակաց հլութիւն,
յարգութիւն, շնորհակալութիւն եւ
սէր առ աւագս իւրեանց, զի աստուա-
ծեղէն օրհնութիւնդ քո զեղուցու ի
նոսա առատապէս:

Հնորհեա եւ եղբարցն գործակցաց
հաւատարմութիւն եւ ճշդութիւն ի
կատարման պաշտամանց իւրեանց,
համբերութիւն եւ խնարհութիւն,
սրբական վարս եւ խնդութիւն ի Հո-
գին սուրբ:

Պահեա զանմեղս, զօրացո զապաշ-
խարոցս, դարձո զմեղաւորս, խոնար-
հեցո զթշնամիս անուան քոյ եւ մնժ
զնոսա ի գաւիթ ոչխարաց քոց. տա-
րածեա զփառս աստուածեղէն անուան
քոյ եւս քան զեւս. զի ամենայն մար-
դիկ ի գիտութիւն ճշմարտութեան ե-
կեսցեն եւ կեցցեն:

Եւ դարձեալ քեզ յանձն առնեմք
զամենայն մարդիկ. ողորմեա հաւատա-
ցեալ ննջեցելոց, մանաւանդ հարց եւ
մերձաւորաց մերոց, բարեկամաց եւ բա-
րերարօց, եւ այնոցիկ զօրս ոչ որ ա-
ռանձինն յիշատակէ, եւ տուր մեզ
ժամանել ընդ նոսա ի տեսանել զքեզ
եւ երանելի լինել յաւիտեանս: Որ
կենդանի ես եւ թագաւորես ընդ Աս-
տուծոյ Հօր եւ ընդ սրբոյ Հոգւոյն
յաւիտեանս յաւիտենից. ամէն:

Ե Ր Փ

Չսիրտ սուրբ եւ քաղցր Յիսուսի
Երգէ սէրն յիմ սրտի,
Ընդ ամպս ամենայն երկնից
Հնչէ ձայն ցնծութեան:

— Օրհնեալ լիցի գովեալ միշտ
Ընդ բնաւ ընդ ժամանակս
Սիրտ սուրբ Փրկչն Յիսուսի
Այժմ եւ միշտ յաւիտեանս: (Իբ.)

Որ վասն իմ, սիրտ Յիսուսի,
 Ի գուլթս քո տրտմեցար
 Էւ վասն իմոց յանցանաց
 Գեղարդեամբ խոցեցար:
 — Օրհնեալ . . .

Սիրտ սուրբ, յորմէ յորդառատ
 Արիւն եւ ջուր հոսեաց
 Զխորդ ըզնորհս յորդաբուղիս
 Զեղուս ինձ ի խաչէդ:
 — Օրհնեալ . . .

Սիրտ, որ բոցով ջերմաջերմ
 Վառեալ միշտ բորբոքիս.
 Քեւ ինձ բնաւ պարզեւի
 Որում անձն իմ ցանկայ:
 — Օրհնեալ . . .

Սիրտ Յիսուսի, զայս միայն
 Խնդրեմ աստ ես ի քէն
 Ի մէջ սրտիդ ունել ինձ
 Տեղի, կայս եւ հանգիստ:
 — Օրհնեալ . . .

Անդէն ի վերս սրտի քո
 Լիցի հանգիստ հոգւոյս
 Ի գիւրութեան եւ ի վիշտս
 Գոչեցից ընդ բնաւ միշտ:
 — Օրհնեալ . . .

Յորժամ զաջօքս պատիցի
 Խաւար եւ մառախուղ
 Ի մեռանեղն ասացից
 Սիրտ Փրկչիս քո եմ ես:
 — Օրհնեալ . . .

Ծուիրումն անձին առ ամենա-
 սուրբ Սիրտն Յիսուսի:

(Ի Մարգարէի, Աւագի)

Իսկ Ա. Ա. սրբեմ եւ մատուցանեմ
 զանձն իմ, զկեանս, զգործս, զնեղու-
 թիւնս եւ զվիշտս իմ ամենասուրբ
 Սրտին Տեառն մերոյ Յիսուսի Քրիս-
 տոսի, առ ի վարել ծախել յայսմ հետէ
 զանձն իմ ողջոյն ի սէր եւ ի փառաւո-
 րութիւն նորին: Այս է հաստատուն
 եւ անփոփոխ յառաջագրութիւն իմ,
 նմա բոլորովին սեպհական լինել, առ-
 նել զամենայն առ սէր նորա եւ ի բաց
 կալ հրաժարել յամենայն սրտէ յայնմ
 ամենայնէ որ ոչ բոս նորա հաճոյից
 իցէ: Արդ ընտրեմ զքեզ, ով ամե-
 նասուրբ Սիրտ, ի մի միայն նիւթ սիրոյ
 իմոյ, ի պահպանութիւն կենաց իմոց,
 յամուր զգուշութիւն իմոյ փրկու-
 թեան, նեցուկ իմում տկարութեան
 եւ յողորմողութեան, ի փոխարէն հա-
 տուցումն ամենայն պակասութեանց

Համօրէն կենաց իմոց, եւ յամուր ապաւեն ի ժամու մահուան իմոյ: Ո՛վ Սիրտ քաղցրութեան եւ բարութեան, լեր դու արդարութիւն իմ առաջի Հօր Աստուծոյ երկնաւորի, եւ դարձս յինէն զպատուհաս արդար բարկութեան նուրա: Ո՛վ Սիրտ սիրոյ, ի քեզ հաստատեմ զամենայն վստահութիւն իմ, կասկածեմ բնաւ ի չարութենէ եւ ի տկարութենէ իմմէ, սակայն յուսամ եւս զբնաւ ի քումէ բարութենէ: Ի բաց արա յինէն եւ ջնջեա զամենայն, որ ոչ միանգամայն բոտ քոց հաճոյից իցէ, կամ ընդ որ գովամակ լիցիս եւրօք: Այնպէս իմն ի խոր դրոշմեա՝ զէր քո սուրբ ի սրտի ի հում, զի մի երբեք մոռացայց զքեզ եւ մի բնաւ մեկնեցայց ի քէն: Երդմնեցուցանեմ զքեզ ի քո անբաւ բարութիւն՝ ի խոր դրոշմեա զանուն իմ ի քեզ, զի կամիմ եթէ ամենայն երանութիւն եւ բնաւ փառք իմ լիցին կեալ եւ մեռանել ի ծառայութեան քում. ամէն:

(Ներք. 300 ---բբ. 1է-նն ժ.Գ.)



0015188

2013

ՀՀ Ազգային գրադարան



NL0015188

